

行是以聖人言受國之垢是謂社稷主受國不

祥是謂天下王正言若反

六十
四字

和大惡必有餘惡安可以為善是以聖人執左

契不責於人故有德司契無德司徹天道無親

常與善人

卅
字

小國宣民使有什伯之器而不用使民重死而

不遠徙有舟與无所乘之有甲兵无所陳之

使民復結繩而用之甘其食美其服安其處

樂其俗鄰國相望鷄狗之聲相聞使民至老

不相往來

七十
三字

信言不美美言不信知者不博博者不知善

者不辯辯者不善聖人無積既以為人已愈有

既以與人已愈多天之道利而不害聖人之道為

而不爭

五十
七字

道經卅七章二千一百八十四字